

## Kev Nkag Siab Txog Uniform Foster Care Rate UNDERSTANDING THE UNIFORM FOSTER CARE RATE

Siv Tau Hnub Tim 1 Lub Ib Hlis, 2022 - Hnub Tim 31 Lub Kaum Ob Hlis, 2023

### Uniform Foster Care Rate yog dab tsi?

Uniform Foster Care Rate (UFCR) yog ib qho qauv nqi them hauv lub hlis rau cov niam qhuav txiv qhuav uas saib xyuas ib tug menyuam koj los tu. Vim tus nqi no yog saib raws li feem xav tau ntawm ib tug menyuam twg, tej zaum kuj yuav tau them lwm yam tshwj xeeb ntxiv (hu ua kev them Tus Nqi Pab Txhawb Ntxiv thiab Tus Nqi Tshwj Xeeb) rau ib qho BASIC MAINTENANCE RATE.

### Tus nqi Basic Maintenance Rate muaj txog yam dab tsi xwb?

Tus nqi Basic Maintenance Rate yog raug siv them cov nqi khoom noj, khaub ncaws, vaj tse, kev mus los, kev saib xyuas tus kheej, thiab lwm cov nqi siv rau hauv ib lub hlis twg.

### Key Lees Them Ib

Tus nqi Basic Maintenance Rate raug muab pab rau ib tug menyuam yaus uas muaj hnub nyoog li cas los xij rau ntawm ib lub tsev tu uas raug lees muab kev saib xyuas them ib yog:

	<u>Lub Ib Hlis 2022</u>	<u>Lub Ib Hlis 2023</u>
<b>Theem</b>	<b>\$300</b>	<b>\$300</b>

### Key Lees Them Siab Dua Them Ib

Lub hnub nyoog tam sim no yog ntsig txog tus nqi Basic Maintenance Rate them rau ib lub tsev tu uas raug lees muab kev saib xyuas uas raug tus nqi siab dua tus nqi saib xyuas Them Ib. Tus nqi rau ib tug menyuam yaus twg raug teev npe raws li pawg hnub nyoog rau hauv qab no.

<u>Tus Menyam Lub Hnub Nyoog</u>	<u>Ib Hlis 2022</u>	<u>Ib Hlis 2023</u>
0 – 4	\$420.00	\$420.00
5 – 11	\$460.00	\$460.00
12 – 14	\$522.00	\$522.00
15 – 18	\$545.00	\$545.00

Thaum ib tug menyuam yaus uas raug koj los tu hauv koj lub tsev muaj hnub nyoog txog 5, 12, los sis 15 xyoos, koj yuav tau txais tus nqi siab dua rau thaum hnub yug nws mus.

Koj yuav tau txais cov nqi them rau koj tus menyuam koj los tu rau hnub uas nws nkag los nyob rau hauv koj lub tsev, tab sis tsis yog hnub uas tus menyuam tawm mus ntawm koj lub tsev.

Cov ntaub ntawv hauv qab no yog hais txog feem pua kev siv nyiaj ub no rau cov menyuam yaus raws li cov hnub nyoog sib txawv. Qhov no tsuas yog ib phau ntawv qhia xwb. Nws nkag siab tias koj tsev neeg yuav siv tus nqi Uniform Foster Care Rates rau hauv lub hlis kom tau raws li feem xav tau ntawm tus menyuam uas koj cov los tu ntawd kom tau zoo tshaj plaws.

## Cov Lus Qhia siv Tus Nqi Hauv Paus

Cov nqi no raug faib raws li tej yam tshwj xeeb xws li cov khoom noj, khaub ncaws, vaj tse, thiab kev saib xyuas tus kheej thiab lwm yam nqi uas tau tu tus menyuam no, nws raug xam tus nqi los ntawm the U.S. Department of Agriculture. Vim cov nqi tau ib tug menyuam yaus raug nyiaj ntau dua cov nqi uas tau muab raws tus nqi Basic Maintenance Rate, tsuas them raws li feem pua qhia them rau cov niam qhuav txiv qhuav xwb. Cov zauv uas raug muab nthuav qhia no yog feem pua ntawm tus nqi Basic Maintenance Rate uas tau txais rau ib tug menyuam yaus raws li pawg hnuv nyoog.

### KHOOM NOJ

Hnub nyoog 0 txog 4:	17 txog 30%
Hnub nyoog 5 txog 11:	26 txog 33%
Hnub nyoog 12 txog 14:	Thaj tsam 33%
Hnub nyoog 15+	Thaj tsam 33%

### RIS TSHO

Hnub nyoog 0 txog 4:	Thaj tsam 6%
Hnub nyoog 5 txog 11:	Thaj tsam 8%
Hnub nyoog 12 txog 14:	Thaj tsam 11%
Hnub nyoog 15+	Thaj tsam 13%

### VAJ TSE

Hnub nyoog 0 txog 4:	48 txog 58%
Hnub nyoog 5 txog 11:	Thaj tsam 43%
Hnub nyoog 12 txog 14:	Thaj tsam 39%
Hnub nyoog 15+	Thaj tsam 36%

### KEV SAIB XYUAS TUS KHEEJ THIAB LWM COV NQI\*

Hnub nyoog 0 txog 4:	Thaj tsam 18%
Hnub nyoog 5 txog 11:	Thaj tsam 19%
Hnub nyoog 12 txog 14:	Thaj tsam 17%
Hnub nyoog 15+	Thaj tsam 17%

\* Lwm cov nqi muaj xws li nram no tab sis kuj tsis yog tas li no xwb xws li cov nqi txiav plaub hau, tshuaj da dej, tshuaj zawv plaub hau, tshuaj txhuam hniav, thiab cov khoom siv tom tsev kawm ntawv.

## Puas muaj lwm yam nqi tshwj xeeb ntxiv rau cov menyuam yaus uas yog cov xav tau tej yam tshwj xeeb?

Muaj, rau ib lub tsev tu uas raug lees muab kev saib xyuas raws li ib theem kev saib xyuas uas tau tus nqi siab dua tus nqi saib xyuas Theem Ib. Yog yuav tsum tau muaj kev pab txhawb rau feem kev xav, kev coj tus cwj pwm, los sis kev kho mob rau koj tus menyuam coj los tu, koj tuaj yeem thov kom them cov nqi hauv lub hlis ntxiv thiaj li pab them tau cov nqi saib xyuas tshwj xeeb ntxiv rau tus menyuam no. Thaum raug tso cai, cov nqi them no hu ua TUS NQI THEM PAB TXHAWB NTXIV.

## Tus Nqi Them Pab Txhawb Ntxiv no raug xam li cas?

Hauv lub sijhawm 30 hnub tom qab ib tug menyuam coj los tu tau los nyob hauv koj lub tsev, koj thiab koj tus neeg ua haujlwm yuav sib tham seb tus menyuam no puas muaj feem tsum nyog rau Tus Nqi Them Pab Txhawb Ntxiv. Yog tus menyuam coj los tu no muaj tej yam xav tau kev saib xyuas tshwj xeeb los sis kev zov tshwj xeeb, tus neeg ua haujlwm yuav xa ib daim ntawv piav qhia txog cov teeb meem los sis cov yeeb yam ntawm tus menyuam no mus rau lawv.

Cov ntaub ntawv tshuaj ntsuam xyuas los ntawm cov kws kho mob, cov kws kho mob puas hlwb, cov kws kho mob tshwj xeeb, los sis lwm cov kws kuaj mob tshwj xeeb los tej zaum yuav raug sau nrog ua ke rau hauv tus neeg ua haujlwm daim ntawv hais qhia.

Kev siv ib qhab nia ntaus nqi thiab txhua cov ntaub ntawv ntsig txog feem xav tau kev pab txhawb rau feem kev xav, kev coj tus cwj pwm, kev kho mob rau tus menyuam no, lub chaw ua haujlwm saib xyuas kev nrhiav chaw tu menyuam yuav txiav txim txog them yuav tsum tau muab kev saib xyuas thiab yam xav tau tshwj xeeb ntawm tus menyuam no yog li cas.

Theem saib xyuas thiab yam xav tau tshwj xeeb ntawm tus menyuum yuav raug hais kom them raws li Tus Nqi Them Pab Txhawb Ntxiv.

### **Puas tuaj yeem hloov tau Tus Nqi Them Pab Txhawb Ntxiv?**

Koj thiab koj tus neeg ua haujlwm yuav tshuaj xyuas qhov ua tau zoo ntawm tus menyuum coj los tu yam tsawg kawg yog txhua rau lub hlis. Thaum ua cov kev tshuaj xyuas no, yog tej teeb meem ntawm tus menyuum raug hloov lawm ces tej zaum Tus Nqi Them Pab Txhawb Ntxiv yuav raug hloov. Thaum muaj tej yam hloov tseem ceeb tshwm sim ces qhia rau koj tus neeg ua haujlwm paub.

### **Yog yuav tsum tau saib xyuas los sis qhuab qhia kom xwm yeem tas li rau ib tug menyuum nws yuav zoo li cas?**

Yog ib tug menyuum muaj yam xav tau tshwj xeeb, koj yuav tau txais cov nqi them ntxiv uas hu ua TUS NQI TSHWJ XEEB. Tej zaum yuav them cov nqi no rau koj yog qhov muab tus menyuum no los nyob rau hauv koj lub tsev yuav ua rau nws dim tawm los ntawm kev raug saib xyuas nruj dua los sis tiv thaiv tus menyuum no raws li txoj cai saib xyuas. Tsuas yog cov kws kho mob uas kam lees muab kev saib xyuas siab dua Theem lb thiaj li yuav txais cov nqi tshwj xeeb.

### **Koj tuaj yeem tau txais Tus Nqi Tshwj Xeeb yog, piv txwv:**

- tus menyuum muaj yam xav tau pab txhawb rau lub cev uas yuav tau qhuab qhia ntau ntxiv.
- tus menyuum muaj cov teeb meem coj tus cwj pwm ua tau hnyav siab.
- raug tshuaj xyuas pom tias tus menyuum muaj mob puas hlwb xws li mob hlwb piam, tsis paub qab hau dab tsi, hlwb puas, los sis ua rau ruam qauj.
- tus menyuum quav dej cawv los sis lwm yam tshuaj thiab yuav tsum tau saib xyuas ze.
- koj thauj tus menyuum mus tom lub tsev kawm ntawv uas lawv tau mus kawm ua ntej yuav muab tshem tawm thiab qhov no nyob rau hauv ib cheeb tsam uas tsis yog hauv cheeb tsam koj nyob.

Tsis muaj cov nyiaj them hauv lub hlis xyaws nrog cov nyiaj Basic Maintenance, Cov Nyiaj Pab Txhawb Ntxiv, Cov Nyiaj Tshwj Xeeb uas tshaj \$2,000.

### **Yog ib tug menyuum los rau hauv kuv lub tsev es tsuas muaj ob peb ce ris tsho los sis tsis muaj khaub ncaus li yuav ua li cas?**

Yuav tau them ib co nyiaj pab rau koj xws li COV NYIAJ PAB YUAV RIS TSHO RAU THAUM XUB THAWJ (saib cov ntaub ntawv hauv qab no) yog:

- nws yog koj tus menyuum coj los tu thawj qho chaw; los sis
- nws tau ntev los tsawg kawg yog plaub lub hlis lawm txhij thaum tus menyuum raug saib xyuas rau sab nrauv.

<u>Pawg Hnub Nyooq</u>	<u>Cov Nyiaj Pab Yuav Ris Tsho</u>
0 – 4	ntau txog \$225.00
5 – 11	ntau txog \$263.00
12 – 14	ntau txog \$300.00
15 – 18	ntau txog \$300.00

Tsis tso cai muab cov nyiaj pab yuav ris tsho raws li caij nyooq, xws li cov ris tsho raws caij nyooq. Ib cov nyiaj raug tso rau hauv cov nyiaj Basic Maintenance Rate rau lub hom phiaj no hauv txhua lub hlis.

### **Yog kuv tsis pom zoo raws li tus nqi no yuav ua li cas?**

Koj tuaj yeem thov kom rov qab txiav txim dua txog tus nqi no. Koj tuaj yeem tham txog koj qhov txhawj xeeb nrog tus neeg tsim tus qauv nqi thiab tus thawj choj ntawm lub chaw ua haujlwm. Yog koj tseem tsis pom zoo raws li tus nqi no, koj yuav tsum thov hais kom rov qab txiav txim dua kom muab kev taug xyuas ncaj ncees. Koj tus thawj coj ntawm lub chaw ua haujlwm los sis Tus Kws Lis Haujlwm Saib Xyuas.

**Puas muaj nqi is saws las rau cov niam qhuav txiv qhuav?**

Muaj ib kob nyiaj hauv lub xeev los pab tiv thaiv rau qee yam thaum koj tus kheej li is saws las tsis pab them. Kob nyiaj hauv lub xeev pab them nqi duav roos rau qee yam raug puas tsuaj thiab kev raug mob rau tus kheej vim yog los ntawm tus menyuam coj los tu. Te zaum feem pab them nqi duav roos thiab kev zam yuav raug hloov. Lub chaw ua haujlwm uas muaj ntaub ntawv tso cai cia koj lub tsev yog lub tu tus menyuam tuaj yeem muab cov ntaub ntawv kho dua tshiab no rau koj.

**Puas muaj lus nug ntxiv?**

Hu rau koj tus neeg saib xyuas qhov teeb meem los sis Tus Kws Lis Haujlwm Saib Xyuas Kev Tu yog xav tau cov lus piav qhia ntxiv. Koj tuaj yeem mus saib hauv Foster Care website rau ntawm <https://dcf.wisconsin.gov/cwportal/fc> Yog koj muaj lus nug txog kev tu los sis kev coj los tu rau hauv Wisconsin, koj tuaj yeem hu rau Foster Care and Adoption Resource Center rau ntawm <http://wifostercareandadoption.org/> or 1-800-947-8074.

**Cov Ntaub Ntawv Teev Tseg Ntawm Kuv Cov Menyuum Coj Los Tu**

Tus Menyuum Lub Npe	Hnub Muab Chaw Rau Nyob	Tus Nqi Lub Hauv Paus	Tus Nqi Them Pab Txhawb Ntxiv	Tus Nqi Tshwj Xeeb	Tus Nqi Them Hauv Lub Hlis	Tus Nqi Saib Xyuas Zaum Kawg

Lub chaw Department of Children and Families yog ib lub chaw hauj lwm thiab chaw muab kev pab uas muaj vaj huam sib luag. Yog koj muaj ib qho tsis taus thiab xav tau kev pab, xav tau cov ntaub ntawv muab sau ua ib hom ntawv, los sis xav kom muab cov ntaub ntawv txhais ua lwm hom lus, thov hu rau (608) 266-8787. Cov neeg uas lag ntseg, hnov lus tsis zoo, dig muag los sis muaj ib qho tsis taus tshwj xeeb tuaj yeem siv tus xov tooj hu dawb Wisconsin Relay Service (WRS) – 711 hu mus rau lub chaw ua haujlwm.